



BOSNIA AND HERZEGOVINA MINE ACTION CENTRE

Broj: JN1/03-50-5-64/24
Sarajevo, 03.12.2024. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama («Službeni glasnik BiH», broj 39/14, 59/22 i 50/24), na preporuku Komisije za javne nabavke (u daljem tekstu: Komisija) broj: JN1/03-50-5-64/24 od 02.12.2024. godine, direktor Centra za uklanjanje mina u BiH- BHMAC (u daljem tekstu: Ugovorni organ), donosi:

ODLUKU

o izboru najpovoljnijeg ponuđača u postupku javne nabavke za
Lot 2- Metalne police

Član 1.

(Predmet Odluke)

Prihvata se Preporuka Komisije broj: JN1/03-50-5-64/24 od 02.12.2024. godine i ugovor za nabavku metalnih polica se dodjeljuje najpovoljnijem ponuđaču:
„Defter“ doo Sarajevo, za ponudenu cijenu u iznosu od **2.664,00 KM bez PDV-a**, odnosno **3.116,88 KM sa PDV-om**, nakon e-aukcije.

Član 2.

Izabrani ponuđač je dužan u roku od tri dana od dana zaprimanja ove Odluke dostaviti original ili ovjerene kopije dokumenata koji su traženi u tenderskoj dokumentaciji (tačka 7.2.).

Član 3.

(Objava Odluke)

Ova Odluka objavit će se na web-stranici BHMAC-a, www.bhmac.org, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

(Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke broj: JN1/03-50-5-64/24 od 08.10.2024. godine.

Obavještenje o nabavci je objavljeno na Portalu javnih nabavki broj: 1407-7-1-39-3-44/24 od 14.11.2024. godine.

Rješenjem broj JN1/03-50-5-64/24 od 22.11.2024. godine imenovana je Komisija za provođenje postupka javne nabavke kancelarijskog namještaja za potrebe Centra za uklanjanje mina koja je

provela predmetni postupak. Predmet nabavke je podijeljen na dva lota to: Lot 1-Kancelarijski stolice i Lot 2- Metalne police.

Procijenjena vrijednost predmeta nabavke je 10.256,41 KM bez PDV-a odnosno 12.000,00 KM sa PDV-om (Lot 2 Metalne police- 4.273,50 KM bez PDV-a odnosno 5.000,00 KM sa PDV-om). Krajnji rok za dostavljanje ponuda je bio 27.11.2024. godine u 9:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH, sa početkom u 9:30 sati što je konstatovano Zapisnikom sa otvaranja ponuda broj: JN1/03-50-5-64/24 od 27.11.2024. godine, a u istom je utvrđeno da je do roka za prijem ponuda naznačenog u tenderskoj dokumentaciji pristiglo pet blagovremenih ponuda i jedna koja je bila neblagovremena i to ponuda Larix doo Doboj).

U postupku ocjene ponuda za Lot 2-Metalne police, komisija je utvrdila da su ponude ponuđača Inter Com doo Zenica, R&S doo Sarajevo i Defter doo Sarajevo prihvatljive za ugovorni organ te su unesene u sistem eNabavke radi provođenja e-aukcije koja je zakazana na dan 02.12.2024. godine u 13 sati.

Nadalje, ponude Adže classic export import doo Tešanj i Defter doo Sarajevo su neprihvatljive iz sljedećih razloga:

- Adže classic export import doo Tešanj, nije dostavio dokaz u skladu sa tačkom 7.4.1 tenderske dokumentacije kako se tražilo „ kataloška dokumentacija uz ponuđenu robu iz specifikacije u kojoj su jasno i vidljivo označene ponuđene robe iz tenderske dokumentacije i iz kojih su jasno vidljive sve tehničke karakteristike i proizvođač ponuđenih roba“. Anex 4. i Anex 5. ne odgovaraju tenderskoj dokumentaciji ugovornog organa, te na taj način nije odgovorio zahtjevima iz tenderske dokumentacije za dostavu roba u skladu sa uslovima utvrđenim tenderskom dokumentacijom i kriterijima.
- „Gradiz“ doo Sarajevo, nije dostavio dokaz u skladu sa tačkom 7.4.1 tenderske dokumentacije kako se tražilo „ kataloška dokumentacija uz ponuđenu robu iz specifikacije u kojoj su jasno i vidljivo označene ponuđene robe iz tenderske dokumentacije i iz kojih su jasno vidljive sve tehničke karakteristike i proizvođač ponuđenih roba“. Nije dostavljen obrazac za cijenu ponude (ANEX1), u skladu sa Aneksom 6. tenderske dokumentacije dobavljač je propustio da potpiše i ovjeri nacrt Ugovora na zadnjoj strani, te na taj način nije odgovorio zahtjevima iz tenderske dokumentacije za dostavu roba u skladu sa uslovima utvrđenim tenderskom dokumentacijom i kriterijima.

Na osnovu izvještaja o provedenoj e-aukciji, komisija je ustanovila rang listu kako slijedi:

- 1. Defter doo Sarajevo** sa ukupnom ponuđenom cijenom u iznosu od **2.664,00 KM bez PDV-a**
- 2. Inter Com doo Zenica** sa ukupnom ponuđenom cijenom u iznosu od **2.665,00 KM bez PDV-a**
- 3. R&S doo Sarajevo** sa ukupnom ponuđenom cijenom u iznosu od **2.760,00 KM bez PDV-a**

, i daje preporuku direktoru da donese odluku prema kojoj je najpovoljniji ponuđač:

Defter doo Sarajevo sa ukupnom ponuđenom cijenom u iznosu od 2.664,00 KM bez PDV-a odnosno 3.116,88 KM sa PDV-om.

Izabrani ponuđač kako je gore navedeno ocijenjen je kao najpovoljniji prema kriteriju “najniža cijena”.

Komisija za javnu nabavku je direktoru dostavila Izvještaj o ocjeni ponuda s preporukom o izboru najpovoljnijeg ponuđača broj: JN1/03-50-5-64/24 od 02.12.2024. godine.

